



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁRIU

Sumáriu Kazu
Tribunál Distritál Baucau
Setembru 2016

A. Sumáriu prosesu julgamentu kazu iha Tribunál Distritál Baucau

1. Totál kazu ne'ebé JSMP monitoriza: 16

Tipu Kazu	Númeru
Artigu 145 Kódigu Penál (KP) & artigu 35 letra (b) Lei Kontra Violénsia Doméstika (LKVD) - Ofensa ba integridade fízika simples ho natureza violénsia doméstika	7
Artigu 145 (KP) - Ofensa ba integridade fízika simples	4
Artigu 154 (KP) - Maus tratus ba kónjuje	2
Artigu 177 no 182 (KP) - Abuzu seksuál ba menór no agravaun	1
Artigu 259 (KP) - Danu agravadu	1
Artigu 207 (KP) - Kondusaun sem karta	1
Totál	16

2. Totál desizaun ne'ebé JSMP monitoriza : 12

Tipu desizaun	Númeru
----------------------	---------------

Pena prizaun	1
Suspensaun ba prizaun nia ezekusaun artigu 68 Kódigu Penál	7
Omologa dezistencia keixa	3
Pena multa tuir artigu 67 hosi Kódigu Penál	1
Totál	12

3. Totál kazu sira ne'ebé sei kontinua prosesu tuir JSMP nia monitorizasaun : 4

B. Deskripsaun sumáriu ba desizaun kazu sira ne'ebé JSMP monitoriza:

1. Krime ofensa ba integridade fízika simples

Nú. Prosesu : 0450/14. PDBAU
 Kompozisaun Tribunál : Singulár
 Juis : Dr. Antonio Fonseca
 Ministériu Públiku : Dr. Alfonso Lopez
 Defeza : Dr. Cancio Antonio Freitas (Advogadu Estajiáriu)
 Tipu desizaun : Omologa pedidu dezistencia keixa

Iha 20 Setembru 2016, Tribunál Distritál Baucau prezide julgamentu tentativa konsiliaun ba krime ofensa ba integridade fízika simples ne'ebé envolve arguidu HdA hasoru lezada EdCF, iha Distritu Baucau.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples ho moldura penal too tinan 3 ka multa.

Iha prosesu tentativa konsiliaun ne'e, arguidu husu diskulpa ba lezada no fó mós ho osan US\$40.00 ba lezada hodi hola ai-moruk ba kura fali lezada nia kanek. Tanba ne'e lezada husu ba Tribunál atu deziste nia-keixa hasoru arguidu.

Relasiona ho pedidu ne'e, Ministériu Públiku no Defeza apresia no konsidera akordu ne'ebé parte rua decide ona no husu ba Tribunál atu omologa akordu ne'e.

Bazeia ba akordu hosi parte rua no pedidu dezisténsia keixa hosi lezadu, Tribunál konsidera no omologa akordu hosi pedidu dezisténsia keixa ne'e.

2. Krime ofensa ba integridade fízika simples

Nú. Prosesu : 0008/14. PDBAU
Kompozisaun Tribunál : Singulár
Juis : Dr. Hugo da Cruz Pui
Ministériu Públiku : Dr. Luis H. Rangel da Cruz
Defeza : Dr. Aquino Dias Quintas (Advogadu Estajiáriu)
Tipu desizaun : Omologa pedidu dezistensia keixa

Iha 21 Setembru 2016, Tribunál Distritál Baucau prezide julgamentu tentativa konsiliaun ba krime ofensa ba integridade fízika simples ne'ebé envolve arguidu AG hasoru lezadu FPS, iha Distritu Baucau.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples ho moldura penal too tinan 3 ka multa.

Iha prosesu tentativa konsiliaun ne'e, arguidu husu diskulpa ba lezadu no promete sei la halo tan krime hasoru lezadu. Tanba ne'e lezadu husu ba Tribunál atu deziste nia-keixa hasoru arguidu.

Relasiona ho pedidu ne'e, Ministériu Públiku no Defeza apresia no konkorda ho akordu ne'ebé parte rua decide ona no husu ba Tribunál atu omologa akordu ne'e.

Bazeia ba akordu hosi parte rua no pedidu dezisténsia keixa hosi lezadu, Tribunál konsidera no omologa akordu hosi pedidu dezisténsia keixa ne'e.

3. Krime ofensa ba integridade fízika simples

Nú. Prosesu : 0409/13. PDBAU
Kompozisaun Tribunál : Singular
Juis : Dr. Jose Escurial
Ministériu Públiku : Dr. Alfonso Lopez
Defeza : Dr. Cancio A. Freitas (Advogado Privadu)
Tipu desizaun : Pena prizaun fulan 6 suspende ba tinan 1 ba arguidu ISB, GP no DdJ

Iha 21 Setembru 2016, Tribunál Distritál Baucau prezide leitura sentensa ba krime ofensa ba integridade fizika simples ne'ebé envolve arguidu ISB, GP no DdJ hasoru lezadu JdJ, iha Distritu Viqueque.

Ministériu Públiku akuza katak iha 25 Marsu 2013, iha tuku 11.00 dadersan, arguidu DdJ tuda dala 1 iha lezadu nia kotuk laran, depoisde ne'e arguidu ISB no arguidu DdJ lori ai baku dala 1 iha lezadu nia kelen no kotuk laran no arguidu GP tebe dala 1 iha lezadu nia kotuk laran. Aleinde ne'e arguidu DdJ mós hadau lezadu nia katana. Kazu ne'e akontese tanba arguidu sira ho kareta tula fatuk iha

mota laran la fó hatene lezadu. Tanba antes ne`e lezadu mak halibur ona fatuk iha mota laran.

Ministériu Públiku akuza arguidu sira kontra artigu 145 Kódigu Penál kona-ba krime ofensa ba integridade fízika simples ho moldura penal too tinan 3 ka multa

Durante julgamentu, arguidu sira hili direitu nonok. Iha parte seluk, lezadu kontinua mantein faktu sira iha akuzasaun.

Iha alegasaun finál, Ministériu Públiku haktuir katak, mezmú arguidu sira hili direitu nonok, maibé lezadu kontinua mantein faktus sira iha akuzasaun. Tanba ne`e husu ba Tribunál aplika pena ne`ebé justu ba arguidu sira. Enkuantu Defeza haktuir katak arguidu sira hili direitu nonok. Tanba ne`e husu ba Tribunál aplika pena ne`ebé adekúadu ba arguidu sira.

Depoísde avalia faktus provadu sira ne`ebé produs durante julgamentu, Tribunál konklui prosesu ne`e no kondena kada arguidu ho pena prizaun fulan 6 suspende ba tinan 1.

4. Krime ofensa ba integridade fízika simples

Nú. Prosesu	: 0106/15. PDBAU
Kompozisaun Tribunál	: Singulár
Juis	: Dr. Hugo da Cruz Pui
Ministériu Públiku	: Dr. Luis H. Rangel da Cruz
Defeza	: Dr. Aquino Dias Quintas (Advogadu Estajiáriu)
Tipu desizaun	: Omologa pedidu dezistencia keixa

Iha 22 Setembru 2016, Tribunál Distritál Baucau prezide julgamentu tentativa konsiliausaun ba krime ofensa ba integridade fízika simples ne`ebé envolve arguidu PS hasoru lezadu PGM, iha Distritu Viqueque.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples ho moldura penal too tinan 3 ka multa.

Iha prosesu tentativa konsiliausaun ne`e, arguidu husu diskulpa ba lezadu no promete iha futuru sei la komete tan aktu hanesan hasoru lezadu. Tanba ne`e lezadu husu ba Tribunál atu deziste nia - keixa hasoru arguidu.

Relasiona ho pedidu ne`e, Ministériu Públiku no Defeza apresia ho akordu ne`ebé parte rua decide ona no husu ba Tribunál atu omologa akordu ne`e.

Bazeia ba akordu hosi parte rua no pedidu dezistencia keixa hosi lezadu, Tribunál konsidera no omologa akordu dezistencia keixa ne`e.

5. Krime ofensa ba integridade fizika simples ho natureza violénsia doméstika

Nú. Prosesu : 0015/16.VQSIC
Kompozisaun Tribunál : Singular
Juis : Dra. Ercilia de Jesus
Ministériu Públiku : Dr. Luis H. Rangel da Cruz
Defeza : Dr. Antonio Fernandes (Defensória Pública)
Tipu desizaun : Pena prizaun fulan 2 suspende ba tinan 1

Iha 26 Setembru 2016, Tribunál Distritál Baucau liu hosi julgamentu movel iha Distritu Viqueque prezide leitura sentensa ba krime ofensa ba integridade fizika simples ho natureza violénsia doméstika ne`ebé envolve arguida VDP hasoru nia laen, iha Distritu Viqueque.

Ministériu Públiku akuza katak iha 4 Maiu 2016, iha tuku 7.30 dadersan, arguida foti basia baku dala 1 iha lezadu nia kanuruk no foti fatuk hodi tuku dala 1 iha lezadu nia ain tu`ur.

Ministériu Públiku akuza arguida kontra artigu 145 Kódigu Penál kona-ba ofensa ba integridade fizika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguida konfesa faktus hotu iha akuzasaun, arguida mós deklarata katak foin primeira-vez komete krime, diak malu ona ho lezadu no arepende ona nia hahalok. Iha parte seluk, lezadu kontinua mantein faktu sira iha akuzasaun.

Iha alegasaun finál, Ministériu Públiku haktuir katak arguida konfesa faktus hotu, foin primeira-vez komete krime no arepende ona nia hahalok. Tanba ne`e husu ba Tribunál aplika pena prizaun fulan 3 suspende ba tinan 1.

Aleinde ne`e, Defeza mós konfirma katak arguida konfesa faktus hotu, foin primeira-vez komete krime, arepende ona nia hahalok. Tanba ne`e husu ba Tribunál fó pena ne`ebé adekua ba arguidu.

Depoide avalia faktus provadu sira ne`ebé produs durante julgamentu, Tribunál konklui prosesu ne`e no kondena arguida ho pena prizaun fulan 2 suspende ba tinan 1 no selu mós kustu judisiál US\$10.00.

6. Krime ofensa ba integridade fizika simples ho natureza violénsia doméstika

Nú. Prosesu : 0005/16.VQSIC
Kompozisaun Tribunál : Singular
Juis : Dra. Ercilia de Jesus

Ministériu Públiku : Dr. Luis H. Rangel da Cruz
Defeza : Dr. Antonio Fernandes (Defensória Pública)
Tipu desizaun : Pena prizaun fulan 3 suspende ba tinan 1

Iha 27 Setembru 2016, Tribunál Distritál Baucau liu hosi julgamentu movel iha Distritu Viqueque prezide leitura sentensa ba krime ofensa ba integridade fizika simples ho natureza violénsia doméstika ne'ebé envolve arguidu PD hasoru nia oan, iha Distritu Viqueque.

Ministériu Públiku akuza katak iha 22 Feveireiru 2016, arguidu ho lanu foti ai-pedasuk baku dala 1 iha lezada nia ain parte karuk.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fizika simples ho nia moldura penal too tinan 3 ka multa no konjuga artigu 2, 3, 35 no 36 LKVD.

Iha julgamentu, arguidu konfesa faktus hotu iha akuzasaun, arguidu mós deklara katak diak malu ona ho lezada, arepende ona nia hahalok no foin primeira-vez komete krime. Iha parte seluk, lezada kontinua mantein faktu sira iha akuzasaun.

Iha alegasaun finál, Ministériu Públiku haktuir katak arguidu konfesa faktus hotu iha akuzasaun, foin primeira-vez komete krime no konfirma mós hosi lezada. Tanba ne'e husu ba Tribunál aplika pena prizaun fulan 3 suspende ba tinan 1. Defeza mós haktuir katak arguidu konfesa faktus hotu, arepende ona nia hahalok, tanba ne'e husu ba Tribunál aplika pena ne'ebé adekua ba arguidu.

Depoisde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena prizaun fulan 3 suspende ba tinan 1 no selu mós kustu judisiál US\$10.00.

7. Krime ofensa ba integridade fizika simples ho natureza violénsia doméstika

Nú. Prosesu : 0019/14.VQLLT
Kompozisaun Tribunál : Singular
Juis : Dr. Afonso Carmona
Ministériu Públiku : Dr. Luis H. Rangel da Cruz
Defeza : Dr. Antonio Fernandes (Defensória Pública)
Tipu desizaun : Pena prizaun fulan 3 suspende ba tinan 1

Iha 28 Setembru 2016, Tribunál Distritál Baucau liu hosi julgamentu movel iha Distritu Viqueque prezide leitura sentensa ba krime ofensa ba integridade fizika simples ho natureza violénsia doméstika ne'ebé envolve arguidu AB hasoru nia feen, iha Distritu Viqueque.

Ministériu Públiku akuza katak iha 29 Dezembru 2015, iha tuku 14.00 lokraik, arguidu ho kondisaun lanu, foti ai-sunu nia rohan baku dala 1 iha lezada nia kabas parte karuk.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fizíka simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu konfesa faktus hotu iha akuzasaun, foin primeira-vez komete krime, arepende ona nia hahalok no diak malu ona ho lezada. Iha parte seluk, lezada mós kontinua mantein faktus sira iha akuzasaun Ministériu Públiku.

Iha alegasaun finál, Ministériu Públiku haktuir katak arguidu konfesa faktus hotu, arepende ona nia hahalok no foin primeira-vez komete krime. Tanba ne`e husu ba Tribunál aplika pena prizaun fulan 3 suspende ba tinan 1.

Aleinde ne`e, Defeza mós haktuir katak arguidu konfesa faktus hotu, arepende ona nia hahalok. Tanba ne`e husu ba Tribunál fo pena ne`ebé adekuaudu ba arguidu.

Depoide avalia faktus provadu sira ne`ebé produs durante julgamentu, Tribunál konklui prosesu ne`e no kondena arguidu ho pena prizaun fulan 3 suspende ba tinan 1.

8. Krime ofensa ba integridade fizíka simples ho natureza violénsia doméstika

Nú. Prosesu : 0041/15.VQSIC
Kompozisaun Tribunál : Singular
Juis : Dra. Ercilia de Jesus
Ministériu Públiku : Dr. Luis H. Rangel da Cruz
Defeza : Dr. Antonio Fernandes (Defensória Pública)
Tipu desizaun : Pena prizaun fulan 3 suspende ba tinan 1

Iha 29 Setembru 2016, Tribunál Distritál Baucau liu hosi julgamentu movel iha Distritu Viqueque prezide leitura sentensa ba krime ofensa ba integridade fizika simples ho natureza violénsia doméstika ne`ebé envolve arguidu MdA hasoru nia feen, iha Distritu Viqueque.

Ministériu Públiku akuza katak iha 1 Dezembru 2015 tuku 19.00 kalan, arguidu foti ai- kafe nia rohan baku dala 1 iha lezada nia ulun, baku dala 1 iha lezada nia kotuk laran no tuku dala 1 iha lezada nia tilun hun parte loos. Tanba ne`e lezada

foti katana ta'a¹ dala 3 iha arguidu nia ulun no rezulta kanek no ran sai. Lezada konsege halo tratamentu iha ospital no arguidu mós baixa durante loron 4 iha Centru Saúde Viqueque.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu konfesa faktus hotu iha akuzasaun, arguidu mós deklara katak diak malu ona ho lezada, arepende ona nia hahalok no foin primeira-vez komete krime. Iha parte seluk, lezada mós kontinua mantein faktus sira iha akuzasaun Ministériu Públiku.

Iha alegasaun finál, Ministériu Públiku haktuir katak arguidu konfesa faktus hotu iha akuzasaun, foin primeira-vez komete krime, tanba ne'e husu ba Tribunál aplika pena prizaun fulan 3 suspende ba tinan 1. Enkuantu Defeza mós haktuir katak arguidu konfesa faktus hotu iha akuzasaun, arepende ona nia hahalok no foin primeira-vez komete krime. Tanba ne'e husu ba Tribunál aplika pena ne'ebé adekuadu ba arguidu.

Depoizde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena prizaun tinan 3 suspende ba tinan 1.

9. Krime kondusaun sem karta

Nú. Prosesu	: 0008/16.VQSTR
Kompozisaun Tribunál	: Singular
Juis	: Dra. Ercilia de Jesus
Ministériu Públiku	: Dr. Luis H. Rangel da Cruz
Defeza	: Dr. Antonio Fernandes (Defensória Pública)
Tipu desizaun	: Pena multa US\$60.00

Iha 29 Setembru 2016, Tribunál Distritál Baucau liu hosi julgamentu movel iha Distritu Viqueque prezide leitura sentensa ba krime kondusaun sem karta ne'ebé envolve arguidu CdF hasoru Estadu RDTL, iha Distritu Viqueque.

Ministériu Públiku akuza katak iha 1 Abril 2016, iha tuku 15.00 lokraik, arguidu lori motor revo no soke kareta fuzu ida. Tanba ne'e polisia pasa revista no hetan katak arguidu la iha karta kondusaun.

¹ Relasiona ho krime ne'ebé lezada komete hasoru arguidu, agora dadaun iha hela prosesu investigasaun.

Ministériu Públiku akuza arguidu kontra artigu 207 Kódigu Penál kona-ba krime kondusaun sem karta ho moldura penal too tinan 2 ka multa.

Iha julgamentu, arguidu konfesa faktus hotu iha akuzasaun, arguidu mós deklarata katak depoisde akontesementu iha fulan Maiu 2016, arguidu trata ona karta kondusaun. Aleinde ne`e arguidu mós deklarata katak foin primeira-vez komete krime no arepende ona nia hahalok.

Iha alegasaun finál, Ministériu Públiku haktuir katak arguidu konfesa faktus hotu, foin primeira-vez komete krime, tanba ne`e husu ba Tribunál fó pena multa ba arguidu.

Enkuantu Defeza haktuir katak arguidu konfesa faktus hotu, arepende ona nia hahalok no foin primeira-vez komete krime. Tanba ne`e husu ba Tribunal aplika pena multa ne`ebé minimu ba arguidu.

Depoisde avalia faktus provadu sira ne`ebé produs durante julgamentu, Tribunál konklui prosesu ne`e no kondena arguidu ho pena multaUS\$60.00 no sei selu 0.50 sentavus kada loron durante loron 120. Tribunál mós fiksa pena alternativa durante loron 80 prizaun, wainhira arguidu la kumpri pena multa ne`e.

10. Krime ofensa ba integridade fizika simples ho natureza violénsia doméstika

Nú. Prosesu	: 0004/11.VQSIC
Kompozisaun Tribunál	: Singular
Juis	: Dr. Hugo da Cruz Pui
Ministériu Públiku	: Dr. Alfonso Lopez
Defeza	: Dr. Antonio Fernandes (Defensória Pública)
Tipu desizaun	: Pena prizaun fulan 4 suspende ba tinan 1

Iha 29 Setembru 2016, Tribunál Distritál Baucau prezide leitura sentensa ba krime ofensa ba integridade fizika simples ho natureza violénsia doméstika ne`ebé envolve arguidu MSP hasoru nia feen SS, iha Distritu Viqueque.

Ministériu Públiku akuza katak iha 21 Feveireiru 2016, iha tuku 18.00 lokraik, arguidu tebe dala 2 iha lezada nia kotuk laran.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fizika simples ho moldura penal too tinan 3 ka multa no konjuga ho artigu 35 letra (b) LKVD.

Iha julgamentu, arguidu konfesa faktus hotu iha akuzasaun, arguidu mós deklarata katak diak malu ona ho lezada, arepende ona nia hahalok no foin primeira-vez komete krime. Iha parte seluk, lezada kontinua mantein faktu sira iha akuzasaun.

Iha alegasaun finál, Ministériu Públiku haktuir katak arguidu konfesa faktus hotu, foin primeira-vez komete krime. Tanba ne`e husu ba Tribunál aplika pena ne`ebé adekuaadu ba arguidu.

Iha parte seluk Defeza haktuir katak arguidu konfesa faktus hotu iha akuzasaun, arepende ona nia hahalok no foin primeira-vez komete krime. Tanba ne`e husu ba Tribunál aplika pena ne`ebé adekuaadu ba arguidu.

Depoizde avalia faktus provadu sira ne`ebé produs durante julgamentu, Tribunál konklui prosesu ne`e no kondena arguidu ho pena prizaun fulan 4 no suspende ba tinan 1.

11. Krime abuzu seksuál ba menór ho agravasaun

Nú. Prosesu	: 0025/16. BCBCV
Kompozisaun Tribunál	: Kolektivu
Juis	: Dr. Antonio Fonseca : Dr. Hugo da Cruz Pui : Dr. Jose Quintao
Ministériu Públiku	: Dr. Luis H. Rangel da Cruz
Defeza	: Dr. Jose Maria Guterres (Defensória Pública)
Tipu desizaun	: Pena prizaun tinan 15

Iha 21 Setembru 2016, Tribunál Distritál Baucau prezide julgamentu leitura akordaun ba krime abuzu seksuál ba menór ne`ebé envolve arguidu JGX hasoru lezada ho idade tinan 10, iha Distritu Baucau.

Ministériu Públiku akuza katak iha 3 Maiu 2016, iha tuku 09.00 dadersan, arguidu ne`ebé nu`udar lezada nia viziñu tama ba lezada nia kuartu laran ho forsa obriga hatoba lezada iha kama leten no ho forsa no violensia halo relasaun seksuál ho lezada.

Ministériu Públiku akuza arguidu kontra artigu 177 letra (a) Kódigu Penál kona-ba krime abuzu seksuál ba menór no artigu 182 Kódigu Penál letra (a) kona-ba lezada nia idade ki`ik liu tinan 12.

Iha julgamentu, arguidu konfesa parsialmente ba faktus sira iha akuzasaun, katak arguidu tama duni ba lezada nia kuartu-laran no kaer lezada nia isin, maibé la halo relasaun seksuál ho lezada. Mezmu nune`e, wainhira Tribunál konfirma ho lezada relasiona ho faktu hirak ne`e, lezada kontinua mantein faktus sira iha

akuzasaun. Lezada mós deklara katak depoisde akontesementu iha loron ne'e kedas lezada hamutuk ho nia familia ba hatoo keixa iha polisia no polisia lori kedas lezada ba Hospital Referral Baucau no agora dadaun lezada hela iha uma mahon.

Testemuña AF (lezada nia inan) deklara katak depoisde testemuña fila hosi merkadu no loke odamatan haree arguidu foin hatais fali nia roupa no lezada ho kondisaun molik no halai hasoru testamuña ho tanis. Iha loron ne'e kedas testemuña telefone nia laen no sira lori kedas lezada ba hatoo keixa iha polisia no polisia lori kedas lezada ba Hospital Referral Baucau.

Iha alegasaun final, Ministériu Públiku haktuir katak, mezmú arguidu nega faktus balun iha akuzasaun, maibé lezada kontinua konfirma faktu sira iha akuzasaun no reforsa mós hosi testemuña. Tanba ne'e husu ba Tribunál aplika pena prizaun tinan 20 ba arguidu.

Enkuantu Defeza haktuir katak arguidu konfesa parsialmente deit ba faktus sira iha akuzasaun. Tanba ne'e husu ba Tribunál aplika pena ne'ebé adekuaudu ba arguidu.

Depoisde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena prizaun tinan 15.

12. Krime ofensa ba integridade fizika simples ho natureza violénsia doméstika

Nú. Prosesu	: 0024/15.VQWTL
Kompozisaun Tribunál	: Singular
Juis	: Dra. Ercilia de Jesus
Ministériu Públiku	: Dr. Luis H. Rangel da Cruz
Defeza	: Dr. Antonio Fernandes (Defensória Pública)
Tipu desizaun	: Pena prizaun fulan 5 suspende ba tinan 1

Iha 30 Setembru 2016, Tribunál Distritál Baucau liu hosi julgamentu movel iha Distritu Viqueque prezide leitura sentensa ba krime ofensa ba integridade fizika simples ho natureza violénsia doméstika ne'ebé envolve arguidu TdC hasoru nia feen, AdC iha Distritu Viqueque.

Ministériu Públiku akuza katak iha 30 Novembru 2015, arguidu lori ai-sanak baku dala 4 iha lezada nia kotuk laran, tuku dala 2 iha lezada nia kabas, tuku dala 2 iha lezada nia kotuk laran no tebe dala 1 iha lezada nia kotuk laran.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fizika simples ho moldura penal too tinan 3 ka multa no konjuga ho artigu 2,3, 35 no 36 LKVD.

Iha julgamentu, arguidu konfesa faktus hotu iha akuzasaun, arguidu mós deklara katak diak malu ona ho lezada. Iha parte seluk, lezada kontinua mantein faktu sira iha akuzasaun.

Iha alegasaun finál, Ministériu Públiku haktuir katak, arguidu kofesa faktus hotu iha akuzasaun. Tanba ne'e husu ba Tribunál aplika pena prizaun fulan 3 suspende ba tinan 1.

Enkuantu, Defeza haktuir katak arguidu konfesa faktus hotu iha akuzasaun, diak malu ona ho lezada. Tanba ne'e husu ba Tribunál aplika pena ne'ebé adekua ba arguidu.

Depoide avalia faktus provadus sira ne'ebé produs durante julgamentu, Tribunál konklui prosesu ne'e no kondena arguidu ho pena prizaun fulan 5 suspende ba tinan 1.

Atu hetan informasaun kompleitu, favor kontaktu:

Luis de Oliveira Sampaio

Diretór Ezekutivu JSMP

E-mail : luis@jsmp.minihub.org

Telefone : 3323883 |77295795